



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 99. Basileensium Legati ab Amadæo ad alloquium admissi.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

ratam haberet, inducerent. Hi erant ^{Sæcul. XV.} Cardinalis Arelatensis Synodi Præses, septem Episcopi, tres Abbates, quatuordecim Doctores, unacum Comite de Tierstein Protectoris vices agente, omnes numero viginti quinque. Digrediebantur Basilea die undecima Decembris, non nisi tamen vigesima ejusdem Mensis Ripaliam veniebant. Ipsemet Amadæus Legatis obviam sese intulit, Eremitis, atque familiaribus suis stipatus. Legati vero adventus sui causam quidem exponebant, Synodi tamen literas nondum eidem porrigebant, nec ipsius assensum sollicitabant, sed alia duntaxat die audiri postulabant, quod & ipsis triduo post concessum.

§. XCIX.

Basileensium Legati ab Amadæo ad alloquium admissi.

Hoc temporis intervallo ii, qui Duci a consiliis erant, quædam postulata Legatis exponebant, præprimis ergo Jurisjurandi sacramentum, quod Amadæus præstaret, emendari petebant: dein postulabant, ut habitu & barba, quam satis promissam Eremitarum more gestabat, adhucdum ei uti liceret, nec illius nomen mutaretur. Respondebant Legati. I. Sibi quicquam juramento addere,

Sæcul. XV.
A. C. 1439.

vel demere, omnino liberum non esse, ut pote quæ facultas soli Synodo reservata foret. II. Necessarium esse, Amadæum mox dato in sui electionem consensu, vestibus supremæ suæ dignitati consonis ornari, ut summi Pontificatus possessionem accepisse monstraret. III. Ducis nomen commutandum esse, cum id exigeret antiquissimus Romanæ Ecclesiæ usus, ac ipsemet Christus Dominus, qui sancti Petri nomen mutasset. Nihilominus barbam juxta normam a Pontificibus gestari solitam tum nullatenus sibi radi voluit, quocirca Legati ad tempus in hoc Amadeo cesserunt.

§. C.

Nomen Felicis V assumit.

Postquam igitur dies nominatus illuxerat, Legati ad alloquium confectum admissi, nomine Concilii Amadeo Duci electionis suæ literas offerebant, ac citra reluctantem tandem permovebant, ut Ecclesiæ clavum, invitus licet, & plurimis obortis lacrimis susciperet; emisso juramento, electoque sibi nomine *Felicis* Quinti. Induebatur mox ornamentis Pontificalibus, nequaquam tamen barbam, quam satis prolixam nutriebat, sibi tonderi passus, sed eam more suo, conniventibus ceteris, aliquamdiu gestavit. Consecratur